

Kumuhana: ‘O wai wau?


Ka Pae	Papa ‘Ehā
Ke Kumuhana	Akeakamai
Ka Lō‘ihi o ka Ha‘awina	30 minuke
Ke Ana Ho‘ohālikelike	4-ESS3-2 Earth and Human Activity
Ke Kālai No‘ono‘o	Generate and compare multiple solutions to reduce the impacts of natural Earth processes on humans.*

1. 'O wai wau?



'O wai wau? Ku'u wahi manu o ke kuahiwi. He kino nui nepunepu ko'u. Pō'ai ko'u kino. Melemele a 'ōma'oma'o ko'u hulu. Puni wau i nā kumu koa a me nā kumu 'ōhi'a. Wikiwiki wau. 'O wai wau?

2. 'O wai wau?




'O wai wau? Ku'u wahi manu 'ōiwi. He hulu 'ula'ula ko'u a 'ele'ele ko'u 'ēheu. 'Ai wau i ka wai pua mai nā kumu lā'au like 'ole me ko'u nuku 'alani, wīwī, lō'ihi, a me ko'u ihu kikiwi. Kaulana ko'u hulu no nā hana no'eau Hawai'i like 'ole kekahi e la'a me ka 'ahu'ula, a me ka mahi'ole. 'O wai wau?

3. 'O wai wau?



'O wai wau? Ku'u wahi manu lele ma nā ulu lehua. Li'ili'i loa wau. 'Ula'ula, 'ele'ele, a ke'oke'o ko'u hulu. Ke'oke'o nā hulu ma ko'u hope kekahi. Puni wau i ka wai pua o ka lehua. 'Ai pū wau i nā 'elala. Pōkole a 'ele'ele ko'u nuku. 'O wai wau?

4. 'O wai wau?



'O wai wau? Ku'u wahi manu sassy ho'i kāu. He kanikani nuku a kanikani 'eu ko'u. He uhi maka ko'u a kapa 'ia wau he "bandit mask". Pōlale 'ōma'oma'o a melemele ko'u hulu. Pi'o ko'u nuku. Puni wau i nā 'elala mai nā kumu lā'au. Huaka'i wau'o wau ho'okahi, ma nā pālue, a i 'ole ma ke 'ano he 'ohana. 'O wai wau?

5. 'O wai wau?



'O wai wau? Ku'u wahi manu pūlama 'ia. 'Ane halapohe wau. Aia he 150 wale nō 'o mākou e koe mai nei i kēia manawa 'ānō. 'Ōma'oma'o oliva a melemele ko'u waiho'olu'u. Kū ko'u nuku i ka nuku o ka manu pāloke a ma muli o ia kumu i kapa 'ia ai wau me ko'u inoa. 'Ai wau i nā 'elala a wāwahi 'ia ka lālā o ke kumu lā'au no ke ki'i 'ana i ka'u 'ai. Noho wau ma nā wahi pulu a ma nā wahi ki'eki'e o ke kuahiwi. He kaha 'ele'ele ma ko'u maka. 'O wai wau?

6. 'O wai wau?




'O wai wau? Ku'u wahi manu ka'i 'āina. Nanea wau ma ka mau'u. 'Ike 'ia wau ma ka'e o ke alanui a no laila e ha'i i nā makua e kalaiwa me ka maka'ala. He kaha ke'oke'o ko'u ma ka 'āī, 'ele'ele ko'u po'o, nuku a me ko'u wāwae, a laila maku'e ko'u kino. Puni wau i ka 'ai 'ana i ka wēlau o ka mau'u, nā pua, a me nā hua keu ho'i nā hua 'ōhi'a. 'O wai wau?

7. 'O wai wau?



'O wai wau? Ku'u wahi manu 'aumakua. Lele wau ma nā Kula 'Ōma'oma'o a me ka 'āina la'alā'au kekahi. 'Ai wau i nā 'ano 'īole like 'ole. Mea mai kekahi, 'ai pū wau i kekahi mau manu kekahi 'oiai 'ike 'ia ma ko'u ho'olualua'i. 'O ka waiho'olu'u o ko'u maka he kula. No'a ko'u kino me ka maku'e a ke'oke'o. Aia ka hulu ma ko'u wāwae kekahi. Ua 'ai wau i nā manu ma mua o ka hiki 'ana mai o ka 'īole. 'O wai wau?

8. 'O wai wau?




'O wai wau? Ku'u wahi manu ho'opunana ma ke ana o ka pali ma ke ahiahi. He manu kai wau. 'Ai wau i nā i'a a me ka mūhe'e. Kanikani wau ke ho'i i ka hale ma ka pō. Ho'iho'i pū wau i ka 'ai no ka'u mau keiki ma ke ana. 'O wai wau?

9. 'O wai wau?



'O wai wau? Ku'u wahi manu 'ele'ele, 'alani, a 'ula'ula ma ka lihi o kona hulu. Puni wau i ka 'ai 'ana i ka wai pua like 'ole, 'enuhe, a me nā nananana. 'Ahinahina a ke'oke'o ka waiho'olu'u o ka lihi o kona hulu ma kona 'ā'ā a me kona 'umauma. 'O wai wau?

10. 'O wai wau?



'O wai wau? Ku'u wahi manu hala loa. Aia he 140 o ko'u 'ohana e lele ana ma nā kumu lā'au. Puni loa wau i ka 'ai 'ana i ka pūpū 'āina 'ōiwi. Ma ka makahiki 1994, aia he 10 o mākou e koe nei. Ma ka makahiki 1997, aia he 3 o mākou e koe ana. Ma ka makahiki 2004, 'o ia ka makahiki i lohe hope ai ko'u kani. Ma muli o ia kumu i kuhi ai nā po'e akeakamai ua hala loa wau. 'O wai wau?




‘Apapane



‘I‘iwi



‘Amakihi




‘Alauahio



Kiwiku




Nēnē



Pueo



‘Ua‘u



‘Akohekohe



Po‘ouli

Nā Pane (No nā kumu):

1. ‘Alauahio
2. ‘I‘iwi
3. ‘Apapane
4. ‘Amakihi
5. Kiwikiu
6. Nēnē
7. Pueo
8. ‘Ua‘u
9. ‘Ākohekohe
10. Po‘ouli